

Bajona, per sirventes

Bdt 406,11

Mss.: **C** 86, **R** 86.

Metrica: a7, b7, c7, d7, e7, f7?, g7, h7?, i7, l7. Quattro *coblas unissonans* di dieci versi e una *tornada* di sei versi.

Rime: a, c: -es; b, d: -os; e, g: -en; f, h: -ona; i, l: -ar.

Mots tornats: f: *Bajona*.

Edizioni precedenti: Witthoef, 1891, p.49, Topsfield, 1971, p. 321.

- letto 527 volte

Edizioni

- letto 408 volte

Topsfield

I.

Bajona, per sirventes
sai be qu?iest vengutz mest nos,
et ab aquest seran tres,
qu?ieu vo·n avia fatz dos,
dont mant aur et mant argen
avetz guazanhat, Bajona!
E mant uzat garnimen
e d?avol raub? e de bona;
aras, cant res no vo·n par,
cujatz vo·n renovar.

II.

Car sai passes Barsaunes
entre·ls Catalans joios,
Serdanha ni Girones,
say que vengues a rescos;
car s?anassetz a prezen,
ben agratz rossin, Bajona!
Mas venguetz com a sirven
aisi com sel que lairona,

doncx pessatz del retornar,
que sai no-us podetz selar.

III.

Nostre reis Aragones
que val mais de totz los pros,
vuelh renovelh vostr?arnes,
e diguatz m?als companhos
que-l sieu gai captenemen
volgra say vezer, Bajona!
Qu?entre nos fug lo Joven
et us ricx no s?abandona,
per qu?ieu am mais domnejar
que mo mal senhor forsar.

IV.

Si ja mais es tant cortes
que veyatz lo rei N?Anfos,
calmatz li cinc cens merces
qu?en una de sas maios
vos des calque bailimen;
e s?eratz portiers, Bajona!
pogratz penre venjamen
dels colps qu?e vostra persona
aitans prezes a l?intrar,
tant qu?era-us fan ranquejar.

V.

Als Catalans diguatz gen
non lur enuege, Bajona!
Que-l domnei plus avinen,
aitan quan mar revirona,
podon a Lombers trobar
ab N?Alazais, e-l plus car.

- letto 455 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/bajona-sirventes>